

得月軒尺牘

辛未冬日
沈善城題



得月軒尺牘目錄

卷二

致許介眉

雷州府學陳

海康縣張

致甘位三

寄章彤軒

崖州樂安司趙

得月軒尺牘

卷二 目錄

復湯少泉

卽補道沈

虎門分府梁

佛山分府張

致翁梧村

致朱尹伯

致溫荆山

致甘位三



復家樂園

合浦縣沈

致張樸臣

廉州府哈

代理欽州王

寄筠軒弟

復家樂園

答黃秉忠

得月軒尺牘

卷二目錄

雷州府學陳

虎門分府梁

代理欽州王

署廉州府帖

致楊約堂

靈山縣王

又

卽補府華

復梅統三

前任雷州府朱

致章蘭亭

致王熙亭

卽補府陸

得月軒尺牘

卷二 目錄

三

得月軒尺牘卷之二

歸安孫方增竹安氏著

姪繩武
男鐫
全校

致許介眉

征駿甫息

文旆旋臨喜與

戎談備荷

殷拳之愛忝居父執頻

得月軒尺牘

卷二

貽適口之珍未賦投桃先承

采葛含風被體別雨縈懷卽惟

介眉世兄素鞞延綏

青箱繼業

詩禮毋忘

庭訓箕裘克振家聲庶慰

尊甫在天之靈亦副世好關懷之望

弟

瓜期而往菊

序言歸虛馳九日光陰跋涉四千里道路

勞薪倍積於十七日始返羊城聽鼓人忙吹
竽我嬾現俟請咨到手即可料理起程此後
渭北江南尙望

尺書時惠

得月軒尺牘

卷二

二

雷州府學陳

小住雷陽重親

月霽才慚李賀屢屈

高軒學媿陳蕃

頻邀下榻酌

北海樽中之酒分

東坡夜半之酥纏綿縞紵之情

惠以含風細葛珍重

得月軒尺牘

卷二

三

琳瑯之字特爲研露

題箋過蒙

垂愛殷拳敢不拜

嘉額手然勞人草草忽歌驪駒之在門

良友依依猶向河梁而

枉駕鄭虔之官雖冷汪淪之情獨深握別以來

無日不心隨輪轉也遙惟

驥山仁兄大人道履冲和

講帷萃吉

文章聲價直繼大蘇

家學淵源並傳元季羨

芝蘭之苗秀看桃李之成陰卽盼

鴻鵠傾心雀頌弟歸鞭迅指鞅掌仍勞乘輿則

大雨時行買棹又南風不競羈延行旅昨於

十七日始返禪山一切叨

庇錫平足以遠抒

得月軒尺牘

卷二

四

錦注惟裝輕似葉方朔之囊已空身繫如匏子

重之旌未定現擬月初晉省稟謁

中丞倘蒙允准給咨卽可摒擋就道琵琶別

抱剛值潯江楓瑟之秋鑼鼓重敲應在元都

桃開之候惟是十年知好萬里睽違所冀

橋梓同榮秋闈共捷計偕北上道出吳門當在

綠綺橋邊拱候

孝廉船到也

海康縣張

我慚高爽迳詣

雷封人頌

魯恭願覘

風度卽荷

郇厨設饌

折簡頻招並蒙

遽使貽珍承筐載錫感深蟻悃慚劇駢顏耳聽

得月軒尺牘

卷二

五

絃歌未逾匝月腸如輪轉已賦

停雲辰惟

柳橋大兄大人飛舄敷猷

援琴播愷

雉馴徵異海甸風清

魚夢占祥康衢露積卜

鶯喬之報喜膺

螭陞之

頌恩引領

三

芝光傾心藻頌

弟

猥以雞口怕累猪肝遽策歸

鞭早回聽鼓于菊月十七日言旋寄跡禪山

空切懸匏之嘆遙瞻

德宇彌殷仰

鏡之誠

得月軒尺牘

卷二

六

致甘位三

昨在霽翁處知吾

兄器重上游奉委賚送

星使關防前赴江南聞之曷勝欣忭詩歌楊

柳將宣

四牡之勞

詔疊芝蘭卽報

雙熊之喜

弟

琵琶別抱悲歡莫訴人知棋局重

得月軒尺牘

卷二

七

移勝負怎由自主所需資斧尙待張羅惟守

口如瓶難望飛蛛之共集而歸心似箭欲隨

畫鷁以同行風託

心交定邀

首肯

寄章彤軒

別後行抵章江晤姚笑翁忽聞警報度嶺後
適慕顏書至藉悉

侍社延嘉

闔庭集順並知故園梅鶴復承
伴令赴蘇正當烽火衝霄幸仗

吉雲隨護令弟幾作黃巢開刀之樹仍爲齊人

反燕之倪死裏逃生尤深快慰增此來本擬

得月軒尺牘

卷二

八

請咨北上因鴟音雖徙鷹眼猶憎適王翼垣
明府署篆靈山相邀同往且搏馮婦之虎以
牽若水之羊惟束裝起程須在榴花放後也

崖州樂安司趙

憶自戎麾共事藉挹

蘭芬嗣因宦轍分馳致稽梅信每懷

叔度彌切欽遲敬維

東昇大兄大人履祉駢蕃

升華駿發

倚樓星曉聽笛管之高吹

出岫雲閒理琴絃而待奏

得月軒尺牘

卷二

九

鶯遷卽報雀頌良殷

弟

因曾經在本省游幕遵

例廻避江蘇去春回里措資今夏復行來粵

本擬請咨北上而長安日遠川費非輕蘇省

本無優缺閒曹又值烽烟四起因拋黃綬仍

坐青氈適王翼垣明府署理靈山相邀同往

然做官如倦馬之見銜轡而就館又如老牛

之見犁鋤雖仍俯首以從未免神衰氣沮耳

沈彙村三弟回家後因食指過繁張羅出山

之計明知

尊况清苦並非張博負人但彙村光景非佳願
望秦廷返璧特囑專函馳達伏祈

卽賜籌還既可酬季布之心免再饒豐干之舌
同爲感佩曷勝跂予

得月再尺牘

卷二

十

復湯少泉

我似春風隔年又到

君如明月延佇爲勞頌承

瑤翰先施猥荷

注存獨厚開闔數過感戢良深卽審

履候勝常

潭庭多福人到中年以後嗣續定必關心然侑

儷早偕夢熊未兆或因

神仙眷屬不產凡胎故秦弄玉吹簫臺中未聞

添有雛鳳也倘急求種玉惟有賦疇彼一章

但不可作龍邱居士耳

弟

此番重度梅關尙

想登臺作劇因聞金陵逆股已到吳門卽別

抱琵琶亦祇空唱望江南一曲羝羊進退總

是觸藩適王翼翁署篆靈山相邀同往蓮花

幕裏尙有前緣一俟束裝有期當駕一葉扁

舟話別於桃花潭上也

卽補道沈

再香觀察大人閣下增自揣駑庸難施銜勒仰叨

鴻庇得荷

提携仁懷與

萬厦同高歡依似燕

恩意比三山尤重感戴如鼇叩別以來倏更星

序瞻依之切恍與雲馳敬惟

福履綏之

得月軒尺牘

卷二

七

祥琴御矣

水魚供膳

歡承八詠樓前

綵鳳銜綸

寵渥

九重天上

豸麾卽擁雀頌傾懷增半世功名鹿蕉夢短一

家眷屬蠶葉聲多況已如許頭顱敢戀烏紗

之帽忘却平常手段仍縫金線之裳西靈一
切情形知已早邀

鑒察東人萬分優待無非出自
吹噓用肅燕函藉申葵悃

得月軒尺牘

卷二

十三

虎門分府梁

陶令辭官欲歸不得昔是

庭前舊雨今為岫外閒雲瀕行復承

珍貺便蕃因風利急於掛帆不及躡

門面謝也辰惟

山谷姻丈大人竹符懋績

第履延祥陶侃寘僚半多閒戲

時在軍需局委員均備位而已

桓温幕府專賴

得月軒尺牘

卷二

十四

襄勤行看

鳳陞頒綸卽卜

能軒晉秩心香一瓣頂祝千言

姪

別後起程于

七月初八日抵館惟筆墨久荒已如年老村

姬東抹西塗不識畫眉新樣差幸主情甚重

客况稍安公私順平足抒

雅注行裝甫卸匆有謝忱

佛山分府張

單舸甫繫

曲翳旋臨許

別榻之重登話戎麾之往事既飶

郇厨美膳復

頌顧渚名茶繼絳臨歧參辰相望敬惟

子鴻仁兄大人升猷駿發

福祉駢臻

得月軒尺牘

卷二

五

龐統非百里之才

王祥屬三公之望行卜

鴻遠鶚荐卽看

鳳闕鸞翔引睇風前傾心露頌弟自偕翼翁起程舟

車歷碌七月八日始振靈山自顧鴛庸難施

銜勒官如雞肋早聽升沉未必逢仙世局之

碁枰已改何妨入幕後場之鑼鼓重敲差幸

客况水清主情珀契諸凡恂適足慰

錦存還祈

蘭誨頻頌俾可蓬衷漸啓耳

得月軒尺牘

卷二

十六

致翁梧桐

同寓穗垣參辰相望攀

稽訪戴一日三秋餞行則

韋陟東厨賦別似江淹南浦

情文繾綣感悵交深敬惟

升履綏嘉

寢興珍護楊王二君業已晉省必可霧散雲開

行看

得月軒尺牘

卷二

十七

光復冰銜郎可

榮旋珂里陶令歸來一賦千古能有幾人撫庭

內之梅花看階前之蘭玉但有淵明壺酒何

須王戎簾金從此局外閒觀家中聚頤人生

到此其樂何如弟自偕翼翁起程因與端甫

同舟頗不岑寂於七月八日抵靈半世磨人

僅留鐵硯吾家故物尙剩青氈已移世局棋

枰仍打後場鑼鼓晨饑便吃晚倦卽眠功名

付之鴻冥家室求諸蝶夢一切尙稱物善足
以馳慰

仁懷

得月軒尺牘

卷二

六



致朱尹伯

重聯舊雨諸荷

關懷瀕行偏值

旌旆回瑤末克河梁話別滿腔積悃徒相照於
停雲落月間也辰惟

升履延綏

侍祺介福暫爲豹隱行聽

鶯遷葢宦海浮沉世事本無定局而人生遭際

得月軒尺牘

卷二

十九

造物自有安排稍乞

擴懷藉抒鄙頌

弟

自偕居停起程粟六舟車七

月八日抵館龍賓虎僕形影相隨雞肋猶肝
盤殮勿撤差幸主人情重不以尋常捉刃者
見待足以奉告

雅懷耳

致温荆山

執別臨歧餘珍

復賁金罍姑酌九頓拜嘉玉案難酬五中誌感
驪歌甫唱蟾窟重圓辰惟

台履千祥

潭庭百福臨風引睇以頌以欣弟別後水陸頻

仍七月八日始行抵此廿年宦轍蕉夢難尋

一畝硯田筆耕如故差幸公私平順足慰

得月軒尺牘

卷二

三

雅懷惟去鴈來鴻均投

宇下此後家書絡繹爲日正長屢瀆

清神不安殊甚耳羽便聊布積悰順頌

芳祉無吝

金玉不盡依馳

致甘位三

瀕行時未得一奉

綦烏悵結殊深舟次河頭數行布臆計已早澈
青眸含姪來書知薇垣有捕鰕飼鷹之意

台從因之卽赴滇江所謂見機而作然官塲似

戲世局如碁督自金剛或仍可作低眉菩薩

耳弟偕居停起程於七月八日抵靈惟舊業

从荒恍如年老諸生下場景况東塗西抹不

得月軒尺牘

卷二

五

辨妍媸幸爲朱衣點頭仍作青錢入選耳承
薦紀綱業已錄用不令作繞樹烏可也

復家樂園

江淹一別春草又生崔護重來桃花復笑意

舊雨忽奉

朶雲就諗

履絢延祥

硯田告稔

嘉賢水乳慰頌同深

弟

宦情本拙久賦潘閒家

累難支幾同伍乞用棄烏紗之帽仍縫金線

得月軒尺牘

卷二

三

之裳暫息一肩聊餽衆口差幸公私順緒足以告慰

仁懷曉翁茂名下臺虧累甚巨汪龍莊先生夜
中間鴈詩云稻梁羣鷺共霜露一身寒其卽
曉翁之謂歟此刻卽報病痊元都之花事已
非前度劉卽徒增悵歎而已幸笑山親家在
章江光景尙好倘萱草忘憂越老越健則西
江之水或可源源而來也

合浦縣沈

遴臣大兄大人閣下自睽

芝宇八易、螢階雖手奏之時、通仍心儀之倍切、
際此物華除舊、遙惟

履祉維新

鳧鳥雲升

鶯柯日暖、珠浦起袴襦之頌、

琴軒浮醞醪之香、渥荷

得月軒尺牘

卷二

三三

恩綸崇遷

峻秩臨風、額手向日、傾心弟南郭吹竽、西靈橐

筆空、歷磨驢之歲月、無餘棧馬之芻糧、心懸
故里、欖槍徐元、直方寸已亂耳、聽滿城爆竹、
王仲宣感慨尤多、聊肅蕪牋、藉申椒頌、

致張樸臣

萍踪再合屢枉

高軒因節署森嚴未克時親

左右茲際龍纏頒朔鳳紀調元敬惟

樸臣仁兄大人硯席凝祥

枕函杼秘

草愈風之檄花管生春

開元日之樽椒筵介祉引詹

得月軒尺牘

卷二

五

芝采曷罄荼鋪

弟

不作癡兒仍爲揖客申鞿舊

業雖已拋荒管鮑新交尙稱契洽惟鄉關遠

隔驛使稀逢眷屬人多慈航莫濟難縮壺公

之地徒憂杞人之天且傭飽無多尙須另籌

接濟恐萬間廣廈翻成百級債臺耳 際唐

令兄曾否改分楚省抑已另握銅符具此槃

槃大才定卜蒸蒸日上春兩次晤

教未及一詢與居回憶共事戎麾早羨祖鞭先着也

廉州府哈

蘭谷太守大人閣下昨請

鈴齋渥聆

塵誨既荷

郇筵寵召復承

侯轍崇臨感戢交深言揚罔罄茲際銀河絢綵

玉宇迎涼敬惟

露冕宣勤

得月軒尺牘

卷二

五

冰壺比潔

五夜奏霓裳之曲

人月同圓三廉興襦袴之歌民風丕應

輪飛夾鹿

詔賁翔鸞卽晉

豸章定孚雀頌

增

廿年宦轍五載戎麾兩攝州

符一權郡佐祇因半通黃綬無濟腰纏仍留

一片青氊聊將口餽欣逢桂序聊展葵忱

代理欽州王

熙亭仁兄大人閣下前歲欣逢

舊雨猥承

高誼如雲旋省後曾布寸牋計已早邀

英盼此次重尋鴻爪纔知先慶

鳧飛遠駐欽江未克一伸把臂正擬專函寫悃

乃蒙

惠翰先頌

得月軒尺牘

卷二

三

存問殷拳感懷刻骨敬審

召棠留憇

潘樹逾芳

雄才詠蠻府之魚早喜

枕戈著績

卓薦表龐參之鶚行看

命笏酬庸不次

超遷彌虔忭頌

弟

琵琶別抱已嫁吳門資斧難

籌尙羈粵嶺潯陽江上誰憐一曲紅綃盧婦
堂前尚剩幾條金線縫裳手段雖屬平常舞
袖心期全行拋撇差幸主賓甚洽眠食均佳
夙荷

關情堪抒

垂系還冀時頒

芝誨俾獲如對

蘭襟古人千里相睽卽命攀

得月軒尺牘

卷二

五

稽之駕吾輩十年至好莫乘訪
戴之舟聊致蕪牋藉陳葭悵

寄筠軒弟

自遣張福旋里日盼好音爆竹聲中慕顏書
至知合家平安抵省正深欣慰忽於秋亭致
函述及李姨於未到香港以前在舟次棄世
自古皆有死原可付之達觀然於重洋波浪
之中當伏枕呻吟之會無醫無藥坐視彌留
附身附棺無從周備天平李姨何辜獨不令
稍延殘喘乎此兄所以淚眼幾枯也追念李

得月軒尺牘

卷二

三六

姨來歸適值賦閒省會同心電勉無異糟糠
自就館至服官二十六年中勤儉持家小屋
已堪替月自應緣情制禮令勲兒持服三年
靈櫬運省時卽在東門外寺院暫行寄厝營
齋營奠以慰重泉魂如有知庶無怨恫耳

復家樂園

椒香入室梅影橫
牕正憶

心交忽披

手翰並荷

記存之厚餉以螭蟬正當快飲屠蘇得此持螯
大嚼其爲欣荷莫喻萬分惟東坡云一詩換得兩
尖團今並無一語之酬只可空作螳螂拱手矣承
示尊況具徵

得月軒尺牘

卷二

七

美盡東南陳公之榻未懸穆生之醴又設依紅
泛綠能不羨煞

庾郎耶弟

不作痴兒便成懶婦一枝秃管如老

牛之見犁鋤未受鞭篠先形氣沮祇因饑驅
所迫用是勉竭疲殘至好如

兄應亦憐其殷棘也昨接家信知吾湖尙未解
圍到處烽烟絕無桃源可避搏沙眷屬難免
流離內顧憂生恨無壺公縮地法耳

答黃秉忠

伴來奉

手誨聆悉一是承

寵召何敢固辭但象翁坐中人卽律稱部民女
也今令紅袖稱觴似未便青衫入座心領而
已執亭張旗布鼓已赴娘子軍中卜戰矣回
來時當代達

盛意東風一到卽掛蒲帆惜別匆匆無任眷戀

得月軒尺牘

卷二

三

雷州府學陳

九秋上浣肅達寸緘託溫荆山轉投計已早呈
荃矚嗣因

台旌到省已屆場期文戰方酣不復續脩尺一
旋接荆山來信知承

擲付百金正值槐忙猶荷

垂懷梅渴感何可言惟昨閱題名

賢橋梓均抱遺珠之歎夙勤秋駕仍遇冬烘定

得月軒尺牘

卷二

三

因文境過高如太羹元酒知味者希耳惺橋
世兄何時料量入都近來水驛山程未必頭
頭是道資斧固宜多備問途必於已經但願
出手得盧脫囊見穎握蘇秦之印披萊子之
衣他日相逢而

閣下已爲老封翁尤鄙人所心祈而目盼者也

弟
一枝枯管兩畫桃符祇貪棧馬之芻糧用
竭磨驢之筋力頃得家信知吾湖現又被圍

眷屬盡在城中已知釜魚籠鳥雖經四舍弟
專丁旋里恐難盡室以行殊切杞人之憂恨
無壺公之法奈何奈何源裕限單想已如期
收取尙祈

迅賜滙寄俾濟急需一瓣心香特向
救苦天尊遙瞻頂禮也

正在封函間舍姪來信知吾鄉逆氛四繞臥
榻之旁已爲他人鼾睡不得已遣洋人將全

得月軒尺牘

卷二

三

眷護送出境已於冬月十八日抵省一切衣
物付之烏有先生所用盤川幾及兩竿以外
李姨抱病起程重洋顛簸日漸沉重於抵香
港時撒手西歸甫定驚魂又聞噩耗一匪老
淚灑濕青衫現在合家寄寓會垣每月薪水
須百金之多區區傭值如何支持專望秦廷
早完趙璧轉移之力是所望於蘭相如者夙承
關愛逾恒諒無俟鄙人喋喋也

虎門分府梁

昨秋肅馳寸啓計澈

清聽頃接彙村三弟來書知蒙

關愛之深垂情之篤依忱感悃非頴墨所能殫

陳茲際六呂司春三陽啓泰敬惟

山谷姻長大人履端集慶

升祉延祥

籌筆餘閒撫椒盤而集頌

得月軒尺牘

卷二

三

剖符晉秩拜

芝綽以承

恩引睇

鶯柯傾心鳧藻姪西靈溷跡臘鼓重聽幸主誼

春溫客情冬抱硯田一畝尙告有秋惟因食

指過多仍屬人不敷出遇有三廉機會還求

鼎力吹噓果能近借一枝此席仍可兼辦岑彭

望蜀本惹人譏

鮑叔知貧定爲我諒

得月軒尺牘

卷二

三四



代理欽州王

甫頌椒花欣披

惠翰剛開錦樹

錫以華燈九頓拜嘉

百朋逾重雙檠坐對五夜長明眞所謂物得所

好口常欲笑也承

示嘉平士口曰爲世兄合卺良辰徒殷燕賀之

私尙闕鴻毛之禮聞佳婦宜家宜室允堪

得月軒尺牘

卷二

五

瓜瓞綿祥羨

阿翁不痴不聾卽荷

芝綸賁寵現在

台旌晉郡交代會否奠清後任想占便宜大都

如此官事從來難了自古云然惟有耳聽鶯

喬卽看

腰懸鵲印藉資挹注免受糾纏尤一瓣心香遙

申頂祝耳弟早拋雞肋尙戀猪肝年來坐守

一瓊日積相思萬斛金

仙臆於咫尺未遂言歡慚野鶴之穩穩僅圖覓
食世途如漆絕少垂光我佛傳燈得叨

普照銀釭未剔常占太喜之花玉案難酬祇報
平安之竹用馳手奏聊寫心藏

得月斬尺牘

卷二

三六

署廉州府帖

一別

雲儀七周星瑄因鳧舄分馳夫宦轍致魚牋
缺於郵筒遙看

帝詔徵

黃甫來

玉陛近聽輿謳迂

郭已到珠池喜氣雲高歡聲雷動敬惟

得月軒尺牘

卷二

三

春園太守大人鈴齋集帖

鼎履延祥

一麾纔建夫三廉五袴咸歌於四境

鸞綸卽賁

牙節旋持

增

落拓一官浮沉廿載本已宦情似

水冀脫名韁偏因家累如山仍羈利鎖承翼

垣明府相邀來此倏已兩度年華雖已鷓借

新枝或不

鷓鴣忘舊侶三百里鄭郵遠隔懸知
意在通賓千萬間

杜厦宏開深願長爲揖客

得月軒尺牘

卷二

三

致楊約堂

一別

鴻儀兩更鳳紀昨接四舍弟書來備陳

素抱祇戢丹衷敬惟

約堂八兄大人樽開穆醴

燭照爰書

虞翻之珀芥同投

王儉之蓮花不落

得月軒尺牘

卷二

三九

吉雲翹睇向日傾心弟寄跡西靈貽譏南郭惟

家累過重館况難佳鴛庸存戀棧之心鳩拙

乏爭巢之計乃承靜山年伯鶚薦一言俾得

鷓棲兩樹藉敷用度不必再作傀儡登場矣

靈山縣王

翼翁五兄大人閣下自荷

弓招頗安硯食鷓非擇樹偏教另過新枝

帖春翁守

廉州承王靜山都轉薦余前往襄理

鶴已離巢猶許仍分

清俸

修脯照送仍辦稟詳要件

恐王粲無此依人之樂惟

鮑叔方能知我之窮

情何深也誼何厚也

弟

別後於十六日抵郡即

承春園太守相邀進署眷屬暫留

得月軒尺牘

卷二

四

瀛寓因書齋尙未修理完竣也春翁昔爲同飛

之燕雀

春翁補封川余補從化同案具題

今作鸞鳳之翔霄

舊雨殷殷不以尋常捉刀者待之惟不知

台旆何日起程春翁頗佩

鴻才得以同舟共濟深盼

雙鳧化鳥藉伸葭溲之私也

又

勇回布達一函想登

荃照春翁接篆後卽患腹脹之症百藥罔效昨
於廿一日作岱嶽之遊綠衣在旁黃口在抱
呖呖於喪榻之前旁觀者不覺淚涔涔下遺
缺爲雲樵司馬代理弟亦如文君新寡改適
長卿惟舊燕新巢未免眷懷王謝而春翁後
事又以鄙人爲張堪差幸硯席重聯尙可代

得月軒尺牘

卷二

聖

爲料理耳雷郡濱臨大海中秋日颶風陡作
銀濤雪浪湧立如山冲決海塘田廬盡沒生
民萬計投之洪流城內粒米如珠哀鴻滿目
疾苦危急之狀非鄭俠所能圖當事者拘守
成規不允開倉賑濟倘賢有司如

閣下有不爲民請命者哉六郎近况何如鵝蚌
相爭漁翁何嘗得利乃甫出蓮花之幕卽疑
韞薏苡之車春翁在日聞之曰權自我操干

卿甚事眞所謂死生知己思之黯然

得月軒尺牘

卷二

三

卽補府華

一違

月霽五易星霜先因類伍吹簫未敢效禰投刺
嗣赴三廉安硯尙稽遠訊

興居而寸衷依企之忱無日不神馳
左右且屢接筠軒舍弟來信極道
游揚意重

刻畫情深自顧何脩捫心滋愧敬惟

得月軒尺牘

卷二

望

樵雲太守大人簪裾介福

帷幄宣勤

鶴與琴偕卽

聽歡迎竹騎

鹿隨車至行膺

寵賁芝綸叠慶

甄升遙申辦祝增官如雞肋室似鴻磬遂棄烏
紗仍拈金線先就王明府之聘繼應帖春翁

之招到雷甫及半年居停業經三易劉郎未
去元都之桃樹依然庾果雖留儉府之蓮花
欲落幸叨

夏庇渥荷

春噓振翁履新訂延如舊喜鷓枝之未失俾雉
步之常循王子敬一片青氈免被偷兒手竊
杜少陵萬間廣廈長教寒士顏歡

得月軒尺牘

卷二

四

復梅統三

夢回盧枕未熟黃梁拜到

郇賤先施白粲但

淵明五斗難免折腰方朔一囊僅能餬口乃荷
指困誼重

益庾情深非因君子勞心不耕而食姑作小人
懷惠每飯不忘

遽使言旋蕪函申謝

得月軒尺牘

卷二

五

前任雷州府朱

鏡堂太守大人閣下相依半載諸荷

青垂送別三旬正馳丹悃差回辱承

手書累幅

拳注殷肫雒誦既周懸懷稍慰敬諭

卿雲返岫

合第均綏明月照牀故鄉可樂際此秋風乍起

適遂季鷹之思鱸行看旭日重開定作

得月軒尺牘

卷二

哭

士龍之鳴鳳但未卜何時促裝晉省抑擬先赴

潯江想

越蠡扁舟不教閒戲

漢良前筋尚賴籌謀况劉方伯心若懸衡張中

丞手無刃印倘得齒牙所及即可

眉頭早伸矣

增

舊壘重營依然孤燕新枝別曳

大類寒蟬差幸食藿場駒老而猶健依梅林

鶴少尤堪憐藉此稍遣衡愁並可告抒

錦注

得月軒尺牘

卷二

罕七



致章蘭亭

盧生枕上未熟黃梁

子敬困中先分白粲硯田一畝不耕而告有秋
擔石雙弓多取而恐傷惠先教眼飽已切心
春敬惟

蘭亭仁兄大人戩穀升華

哦松政事暫作

仇香棲枳行看

得月軒尺牘

卷二

四六

潘岳栽花卽報

鶯遷定符雀怵

弟

名如畫餅味亦殘羹白髮催

年猶有廉頗之健青氈溷日尙無方朔之饑
乃帖不臨顏遠荷

情深鐘粟而銘思仿庾剛逢

慶衍盤椒

致王熙亭

自別

芝儀頻更星瑄正深葭憐忽奉

雲箋備承

藻注拳拳益切蓬衷戀戀就詒

元旋穗石

爽挹蘭襟深以五斗爲羞定卜三刀叶夢

時擬捐升

州知

得月軒尺牘

卷二

罕九

鶯柯卽報

鳧鳥旋飛

弟

鴻爪尋痕驢蹄踐跡蓮花不落荷

葉仍隨閒吟耘老之詩忙理申韓之牘銅壺

漏盡鐵硯磨凹差幸孱軀尙可耐勞足以告

抒

雅注耳

卽補府陸

維桑世好

懷橘名流甫聞

携鶴南來卽作征鴻北向尙稽御

李先已推袁雖葉公好龍止求其似而

孫陽顧馬已出乎羣感忱祇戢寸丹謝悃難宣

尺素敬惟

存齋太守大人升華茂樹

得月軒尺牘

卷二

五

鼎社蕃綏

披雁服以趨

庭鯉對舞萊衣之綵

綰魚符而按部驂迎瞻

郭冕之華膺

帝簡則

寵渥書屏繼

家聲則

芬揚畫扇

多磨卽擁雀頰維殷增似草出山如花落溷飛

鼻作吏蚰網高懸策馬從軍蜂旗徧起因灰

心於舞袖聊就手以縫裳牽到脩羊剛值椒

盤餞臘剪來綵燕遙知

第履宜春梅使欣逢葵誠藉罄

得月軒尺牘

卷二

五

